

師演出於丹景經中有是慎盟之書也受太

上帝君之道用事如此故記而施行焉

金錄三枚盟三元之誓也青繒二十七尺緹

帛也盟上帝君二十四神之誓也赤絲五兩以

盟五神公子之誓也和香二裹以為告靈交

氣之因也筆一枝紙一百丹一兩書盟也

右五種以物器盛之不宣露也皆受經者具

也弟子寫畢乃齋經及信來詣師室而受經

受經畢乃得施用耳不盟受而竊行之者按

女青詔書失兩明也受而不行者有天災考

也行而宣泄者有風刀災考也傳非其人七

世父母受其考也此

玄都鬼律女青詔書之旨

上清太一帝君太丹隱書解胞十二結節圖訣

上清洞真天寶大洞三景寶錄卷上 集一

太上帝君金虎符錄 玉清部階第一

維某號某年太歲某月日子某州郡縣鄉里

男女生姓名年若干歲某月日時生今齋儀

信詣

三洞法師某君門下請受

太上帝君金虎符錄受佩已後依科奉修不

得輕泄穢汙真文一旦違犯自受考責萬劫

不原修持如法生死俱仙一如

盟科律令

太微天帝君金虎玉精真符乃太上元上景自

然金童之內音也以役命金仙封山召雲威

振六天誠落萬魔太上恒以四靈六甲七十

萬人衛符於太微瓊宮佩此符者威制天地

呵叱群靈控駕景龍位司高仙瓊音既振則

玉華侍側金真衛兵千杖喪膽萬鬼滅形九

魔併首六天摧傾道妙極真神哀五靈左嘯

玄童右攝金晨大哉寶文大帝威真豈徒辟

毒攘試滅妖而已乃求仙妙品得真之標題

矣侍書玉女二十七人營衛有經者之身奉


符尊科上昇三清宮若違慢者及傳非人身


入風火永劫不原符朱書白素佩之頭上又

以雌黃碧帶於腰之中右面也一如

太上盟科律令

卷內符並朱書







太元上景金丹真符威神內祝以召神兵斬  
滅邪魂當入室燒香叩齒三十六通坐卧任  
意乃祝曰

辟軋毒王振拾羅旌八仙秉鉞上帝五靈太  
玄落景七晨衛庭黃真曜符煥擲火鈴神虎  
奮豪毒鋒亂呈紫勃文儀四躩仰鳴四天磊  
磊能知鬼名外躩玄氣內守師兵左威右顧  
風伐火征叱斬萬妖摧誠千精金真振威九  
魔攝形北鄴摧落所滅皆傾我佩真符役使  
萬靈三元告真玄合帝誠太微上帝上昇三  
清太元上景威神內祝之法皆上清之禁經  
也辟軋毒王者是六天大鬼之內名也振拾  
羅旌者是北帝魔王之隱諱也四天磊磊者  
是北鄴鬼相之魂名也能知三鬼名者則千  
妖竄跡萬鬼匿形九魔莫得而動試百邪弗  
得而陳害山林獨起又在府廟鬼神之中便


可按而行事不必燒香入室若齋入室朝宴  
八元并制魔召靈驅策神真者便佩而行也

太上神虎符

太微天帝君告上相青童君西城王母曰上  
清智慧文消魔真經此太極之玉篇高上之  
真訣神虎真符九天太真所寶章智慧可以  
逐穢消魔可以束邪真符可以制魔滅妖夫  
有玉簡紫名得修上法者不為衆妖所乘萬  
魔所試也可謂萬害不能干神虎之靈威真  
經之妙用也今以相付可傳後學應為真人  
者當依太真之科七百年內聽行三傳不得  
示非人輕露真文身被風刀之考矣夫好樂  
道真勤心注玄無怯財物輕財貴法道無不  
存如此之士始可與言內愛財寶外心淨好  
道亦已照閉之玉笈加以金闕昇度之後藏  
之名山矣



右太上玉京九天金霄威神玉祝太上元經  
大神虎符



右神虎大字及揮神之祝太上藏之於元始之室不傳於世若有上真之人乃得見此耳按太極禁法之科臨昇之日聽傳一人過期不得復出傳授之儀一如上法又上文之時弟子當手書一通與師百日之後師沈於東流水中勿令人見此文名為越度人道重盟三官之約

太上行神虎大符口訣祝法

凡受太上玉精神虎大符之訣練盟受之都畢弟子又手畫一道以與受經之後足一百日師乃清齋三日以弟子所畫之文并盟誓祝說皆令其畫封以鐵檢沉於東海深水之時乃仰天而祝曰  
太上真符玉精神虎受者刻名仙簿消戒刑考必令成真散除憂苦勿得宜漏萬齡一瞬謹盟水官速誓后土祝畢徑還慎勿反顧此名為畢盟三官上官上名仙籙之始世若受之後不為此者則終身不得佩帶神虎文不得刻名上清也三年之後身亦將止長考水官重盟之後當以四季之月戊申之日以

朱筆畫文於素上令長三尺二寸書法向玉叩齒七通祝曰

太上神虎之靈結氣紫文含曜玉精威伏強魔制御萬靈神童侍衛玉女扶形我佩此文役使金兵得為仙王飛昇上清異又叩齒七通咽液三過當以其日用紫綾囊素錦囊蓋之以佩身也

按四極之科此符重不得於地上人間舊有仙名玉挺乃得聞見之耳受符之日皆當朱書白繪卷辟大小隨意盛於囊中不經淹濁者當可佩於形每事唯令隱密不得與他經相雜及宣昭篇目此太極之所禁慎之哉  
太元上符神氣精景結生氣神虎七頭常侍衛身以伏城邪魔辟除不祥令神虎之後不得語人云我有天符及宣說篇目若語一人一虎去語二人則二虎三虎七虎却去則死形軀無復守衛之兵於是邪魔惡鬼及三官北帝皆未試敗若未得仙深祕之四盟之科慎之慎之

保舉

監度

度師

太上飛步空常錄玉清都階第二

維某號某年太歲某月日子某州郡縣鄉里

男女生姓名年若干歲某月日時生今齋儀

信詣

三洞法師某君門下請受

太上飛步空常錄誓依奉修不敢輕泄唱露

真文一旦違科自受考責萬劫不原受持如

法生死俱仙一如

盟文律令

太上大道君曰空常者天地之鬼魄陰陽之

威明空則九天之鬼精常乃九地之魄靈二

氣結中斗之中為尊帝之大神以威輔弼之

煥明每以輔弼為瞻視役運天光察觀萬方

總籙天宿迴化五常召運攝會促機轉神天

休地泰則空常隱藏天否地激則空常朗明

吉凶報應立告不祥變化萬氣改易陰陽四

序代謝莫不由之二星尊貴隱伏華晨得見

二星延壽無窮存修其道飛昇上清宿有五

名玄圖者法得見其文受行之者一月七過

行之六丁八節之日亦可入室燒香左右敷

置圖席南向叩齒二十四通瞑目存五星入

兆五藏之宮光洞一身覺體兼熱次思五星

皇夫人及二十五點空常晨君姓諱服色各

在其方都畢而審祝曰

金木水火土總統四元玄清派映光照五門

中有五星靈君夫人二十五點空常太尊變

化形景十合萬分降入五藏結成玉仙鍊我

七魄育我三鬼舉形上昇飛入斗門遊戲上

都五星齊群今日玄福請如所陳畢引五星

光二十五咽止

次行七步併足上太白星上閉氣七息向西

祝曰

西方七門白氣飛光上有皓帝少陰明皇諱

金上精衣服羽裳艷彩流映煥明金宮號曰

五點空常之宗帶符仗節召陰攝陽變化水

火七十四方使我飛步隱景入空駕乘白與

翱翔雲房天地長年永享無窮畢仰咽七氣

止次行十二步併足上土星上閉氣十二

息向西南祝曰

中皇四氣總監八靈三臺紫房神點化生內

有元皇五常隱名日步常門安鎮黃庭衣帶

飛雲首冠華精執符持節煥落火鈴使我飛

步告我神名下降脾腑鎮神安精上天入雲

藏景化形隱變萬物遨遊玉清得與皇君俱

保太明畢仰咽十二氣止

次行三步上火星向南三息祝曰

三門洞曜丹光流精玄氣鬱勃煥映南溟上

有赤皇五帝明靈諱遊光曜錦衣文精首戴

寶冠腰帶玉鈴出入朱宮紫房絳城保錄我

命南宮記生使我飛步變氣藏形日吉行道

善天肅清心神結真五魂洞明齊光三炁合

景火星畢仰咽三氣止

次行九步上木星向東九息祝曰

東方九炁青天王門中有青晨玄上之君流

精鬱勃是為天魂諱大明煥天地高尊身衣

鳳衣班文虎帚化生五點變景九都頭冠青

精橫天玉冠金符羽節流鈴紛紛手執隱書

飛行羽文總我命錄保我肝門外映內曜肝

藏結仙迎我高登上朝帝晨畢引星光九咽止 次行五步上木星向北閉氣五息祝曰五氣北玄玄門洞靈北辰流映魁上玉清中有太皇五帝尊名諱陰元液衣服玄青首冠玉冠腰帶流鈴金章玉節翠珮煥明徘徊華晨傍觀八冥迴津下降入我腎庭保錄五神藏府鮮榮內外充溢變景化形骨飛肉昇上造玉清畢引星光五咽止  
步五星畢從水星却下行七步登金星立定併足上第一九常祝曰  
九常地君變景幽冥為我隱步以逃我形畢  
次上第二育常祝曰  
育常靈君形無常服為我變化身為草木畢  
次上第三卯常祝曰  
卯常尊神能沈能昇為身化景變成丘陵畢  
次上第四沅常祝曰  
沅常皇君形無恒身為我吐吸興氣起煙畢  
次上第五行常祝曰  
行常大君威伏萬鬼變化我形起煙成火畢  
五常祝畢還金星閉氣七息祝曰

飛空太幽化景五常北入五氣南制三陽金符命靈太帝扶將大戊逃己保度洞鄉太白護肺金鎮胃腸內充外溢形魂俱翔千變萬化適意所行得與玉皇同遊上景畢引炁七咽止次從金星十二步登土星了併足上第一上常祝曰  
一上常祝曰  
上常翔翔變化億千為我藏景昇入九天畢  
次上第二天常祝曰  
天常流炎起煙成壘為我化形帶神入火畢  
次上第三名常祝曰  
名常北玄以水為身隱我河海灌我成真畢  
次上第四三常祝曰  
三常變威光制八庭為我致仙却灾攘兵畢  
次上第五辰常祝曰  
辰常萬化體無常形為我致仙逃死入生畢  
步五常畢還土星上閉氣十二息祝曰  
無常五黃中皇大神變氣七金威伏三辰化身分形上天入雲總呼五靈衛我脾門使我藏腑早化成仙飛常入空水火萬原在所恣意上昇無門得與玉妃結友齊群畢引炁十

二咽止  
次從土星三步登火星了併足上第一空常祝曰  
空常至靈輔弼上真入我絳宮總攝萬靈畢  
次上第二河常祝曰  
河常兆伏隱遁八冥水火變化使我成仙畢  
次上第三元常祝曰  
元常變化草木蔽身使我形景同合道真畢  
次上第四古常祝曰  
古常天雙出入無間身生羽翼飛昇上天畢  
次上第五已常祝曰  
已常南離立自九覆變化我形立成鳥獸畢  
步五常畢還火星閉氣三息祝曰  
流炎丹靈三門雷霆五常通變萬化鬱其攝命玉皇威制北精上元仙籙保我長生今日步空乘虛入星熒惑輔心我道同明千分萬合所向立成魂導魄鍊羽服時生得與五星攜與玉清畢咽三氣止  
次從火星九步登木星了併足上第一九常祝曰

九常青皇天地魂根使我變化逃景隱山畢

次上第二世常祝曰

世常天靈總度萬仙使我步空合景成神畢

次上第三明常祝曰

明常昭昭光耀八埏使我變形逃水隱源畢

次上第四玉常祝曰

玉常威化制制五土使我化形立住成虎畢

次上第五法常祝曰

法常部木位總神仙使我分景化身為千畢

步五常畢還木星上閉氣九息祝曰

少陽九門徘徊青天中有五常變化億千呼

陰召陽制制金神東華命節坐應自然步空

躡虛策駕青烟上鎮碧虛下鎮肝門道明九

合立致飛仙得為青皇同真木晨畢引烈九

咽止

次從木星五步上水星了併足登第一陰常

祝曰

陰常北玄萬化之宗使我住此立成神龍畢

次上第二黃常祝曰

黃常靈陰化為女子使我分形立為百已畢

次上第三定常祝曰

定常總靈變化鬱勃使我分形以成萬物畢

次上第四飛常祝曰

飛常入空上下百變化形六畜使人不見畢

次上第五六常祝曰

六常剛劔制鬼御神迴輪天地當之殺人畢

步五常畢還水星上閉氣五息祝曰

北玄五氣五門開張號曰五帝變化幽冥出

陰入陽制御土官使我飛步逃景太空在研

適向分形百千上造句陳昇身玉京體生奇

毛腎府納芳今日行道神仙之宗得天上願

享祚無窮畢咽五氣止

行二十五點空常事訖

次行九步咽氣五過登北斗第一竝足登陽

明東向祝曰

太上中官變隱迷元內妃大神太一上尊總

領命精為我致仙藏形逃已上昇帝軒畢

次上第二星東北向祝曰

中元宮中保胎化形內嬪大真高上玄靈斬

胞解結鍊胎固精變化萬方便我長生畢

次上弼星向真人祝曰

真元宮中六道七隱上元元母育我胎產避

化金室變乘蒼輦使我飛空長年無限畢

次上第四星向北祝曰

紐幽宮中匿景藏光中元內妃神仙大宗度

我六戊出我八方逃跡飛步上超帝房畢

次上第五星西向祝曰

網神宮中變體易景斗中大女玄化無象度

我元斗書名房總飛空策虛上超帝房畢

次上第六星東北向祝曰

紀明宮中隱跡散象斗中中文靈化上官落

我玄籍度名諸方分身成千反形更童畢

次上第七星西北向祝曰

關會中官分景萬形斗中少女玄上太靈隨

斗運機總輪萬生使我飛空變化太冥畢

次上輔星向天門叩齒九通祝曰

帝度上宮左皇夫人上對帝君齊景合真號

曰空常變化九天運導日月聚氣成煙迴輪


水火萬化在身是時元吉玄脫敷陳使我飛

步常乘入真九辰流落享福萬千形齊天地


壽比靈椿畢仰咽二十四氣止

次上弼星之上向地戶而立弼星在斗第三  
星之內斗口之中弼真人之府為隱元之星  
凡九步斗當避真人星不可躡皆從第二星  
越過取第四星今此空常之法不步真人但  
步輔弼既步輔星畢即迴就弼星步弼星存  
祝畢即空常之道一周矣祝曰

上尊二宮夫人右皇帝尊同符合靈華房天  
魂地魄號曰上空變化九炁萬真祖宗迴金  
轉石與天齊功化消山河呼制雲龍萬恠立  
應分景億通飛步躡虛流煥迴衝藏身魁席  
覆衣天光長靈天地享福洋洋請如所願壽  
祚無窮畢中齒咽氣三十六過空常之道畢  
矣行之七年分形九空十四年飛行太虛細  
存諦親具在經中



第一十五



空常氏字

朱書白素上錦囊盛飛步之時佩於首登星  
時亦須存呼此三字也  
順行步星法  
向陽明大魁順行至右足躡天關進左足與  
併息通乃微祝曰

金木水火土五行相推七星煥煥天綱最威  
輔星鎮盛弼星却衰九真太上太極太微三  
府玉帝三尊辟非天動地轉魂魄相隨使我  
飛仙真光徘徊名入金房玉闕乃開乘龍步  
空日月同暉遊行上清鳴鈴翠衣左攝流電

右御奔雷地上萬邪伏死敢追惡心向我使  
爾斬摧帝命玉女營侍以歸魂真魄神合形  
昇飛  
倒行法

止於天關向北極乃於天關上閉氣握固至  
右足躡陰精左足躡陽明前右足與左足躡  
併乃右迴天樞微祝曰

天魁正陽斗運低昂前轉元機後動靈綱制  
魄以寧拘鬼以康魂魄與身俱行天堂向見  
金門高上太皇左扶仙母右扶仙公紫翠飛  
華龍袍虎裳帶真巾玉項生圓光手把神鈴  
腰佩金璫口誦洞真七變妙章先自虛无生  
而仙王飛行九道據斗攀綱前從太一後從  
玄即告其口訣坐在立亡反行至要位為仙  
卿五藏自生與自相迎所願皆合所求克昌  
萬邪億害易地隱藏畢

反行法  
又閉氣右迴斗星之外三帀始於陽明步魂  
於陽明右迴身左足上天樞右併乃閉氣握  
固左足上瑤光右足上闔陽以次後兩足俱

上陽明迴身向玄冥右手撫心以左手指玄冥閉氣三息叩齒三七通咽液三九過祝曰陽明紫炁太素玄辰金闕黃房中有大神左撫上皇右把高真龍銜翠衣飛錦虎文腰帶玉符首戴蓮冠出入虛金真玉光靈尊魏

峩號曰陽明足躡朱煙口詠洞章賜其隱書第一

見教步綱周行三復據斗息忘使其飛仙超

虛浮空名書上清乘玄駕龍意有所知願樂

皆從三尊合德魂魄內通致給神宮玉女玉童畢

攀魁法

兩足俱上陰精星以左手撫心右手指真人

星閉氣三息叩齒三通咽液三過微祝曰

陰精玄素華闕生門中有玉帝北極至尊鳳

繡華領龍翠裙腰佩虎鈴扶芝丹冠號曰

陰精太上之君授其隱書使步七元攀魁上

斗遂遊靈關外拘七魄內制三魂魄練俗累

魂寶胎神魂魄守身與之俱仙飛行上清還

氣嬰顏所向如心萬欲無難畢

接真法

兩足俱上弭星先左足勿隨其綱仍轉身向真人星心存而拜開膝夾弭手俯心閉氣四息叩齒四通咽液四過咒曰神雖在弭存咒乃在真人星太極九星上元明真正機把銜吐納紫煙金光玉映威照十天攝御三光調陽和陰理元

賦氣改易故新上治中宿玄關之玄金室玉

戶北掖四便出駕八景浮遊天元龍錦鳳衣

虎翠飛翬絳精綠帔紫羽七綠腰帶神符首

戴笑冠上西九虛下翔八淵自號玉皇九天

極真哀其好道授其隱篇躬登弭魁朝拜靈

君乞願丹書為生之先得治三天飛行八玄

五藏自生上品飛仙得翼玉帝後聖之臣位

高大夫乘雲飛輪所願皆合衆邪莫干畢

步斗法

兩足俱上玄冥星於弭上起而立以右手撫

心左手指丹元星閉氣三息叩齒三通咽液

三過存足下玄冥星咒曰

洞天神光迴隱玄冥氣盈太虛去來無形隱

天藏地周灌無生忽登天綱上步紫庭北視雲房南顧雷城眩惑萬變非復故形恍惚流

景觸手立成欲來藏身得我姓名虛無救厄九變玄冥坐起六甲謁署六丁賜其隱書步斗行星仰見上皇披丹巾青手把靈光腰帶玉鈴上乞飛仙與天俱生名書太微浮行上清下乞變化藏景錄形萬事如願所推皆平

躡紀法

兩足俱上丹元星左足先右足併左手撫心

右手指北極星閉氣三息叩齒三通咽液三

過祝曰

太上九臺丹元玄紀外管北極內正天理金

闕映外玉庭耀裏中有至尊號曰赤子治在

丹元絳房之中翠雲繡華龍帔虎裳右執玉

籙左把魁綱足躡景雲巾紫冠右佩流鈴

左帶玉璫賜其隱書躡紀遊行上乞飛仙乘

玄駕龍書名丹臺太極玉堂所向所求福祿

來迎畢

步綱法

兩足俱上北極星左足先右足併以右手撫

心左手指天關星閉氣三息叩齒三通咽液三過祝曰



上玄太微北極紫蓋下有太真游翔無外翠  
華飛帔金鈴青帶腰佩玉光玄靈菴謁賜其  
隱書上行七氣登清越煙真人合會乞得飛  
仙書名丹室所向所願無災無害畢

乘龍法

兩足俱上天關星左先右併順網外右手撫  
心左手指天關星閉炁三息叩齒三通咽液  
三過祝曰

太上北極紫微絕辰寶玄金房外有玉門周  
運九宮調和天關中有尊神號曰紫皇授其  
隱書攜其乘龍上浮九天飛地元景雲丹  
與玄華翠裳腰佩龍策頭巾虎文包生萬物  
教訓飛仙脫其死名天地長存乘龍步斗所  
向受恩畢仍閉氣存龍與朱蓋扶天來迎恍  
惚登天忘形良久乃轉上輔星遊行三界兩  
足俱上輔星左迴先左足隨網遠北極而躡  
輔星右足來併乃向北極兩手撫心閉氣一  
息叩齒三通咽液一過仰首視星咒曰  
太極輔星精在紫闈養生育命寶守神寬金  
房再闈奉見輔星賜其隱書使其遊旋列名

聖皇飛仙九天中光佩真出入洞門畢

上輔星之中拜見道君恍惚忘形良久乃轉  
上弼徘徊三陽迴行諸弼星兩足俱上先左  
足直歷諸星邊浮空上弼右足併合向真人  
星兩手撫心閉氣一息叩齒三通咽液一過  
祝曰

太虛泥丸紫宮天尊玄空真紐為帝之先在  
道玉皇在身泥丸馮感歎生炁貫三元精入  
明堂強胎益魂朱山再闈奉見靈元左採日  
華右掇月根流火萬里金羅碧帔腰帶虎符  
首戴華冠賜其隱書得行天關乞願飛仙役  
使萬神萬向皆會福德如山畢  
存在天上弼星之中拜請玉皇乞速得飛仙  
若值朝極日仍下入魁朝之下者左轉右足  
上天掘左行步三台五星也

朝極日凡步綱攝紀皆用此  
日并甲子八節日也  
春正月一日 二月二十日 三月二十七日  
夏四月八日 五月五日 六月十八日  
秋七月七日 八月二十日 九月九日  
冬十月五日 十一月三日 十二月六日

凡修行飛步躡網行星者皆用此日一依前  
法用之行之十四年七星精下化成神人竝  
乘流鈴八景丹玄斑雲俱來詣子拜子仙官  
白日飛龍一年辟非災二年辟兵三年辟死  
四年地仙千害萬邪眾莫敢干自此以後福  
慶無端致使神靈駭駕飛龍太極賜芝玉帝  
給童行之二七年為上清真人也

保舉

監度

度師

太上二景三奔錄玉清都階第三  
維其號其年太歲其日子其州郡縣鄉里  
男女生姓名年若干歲其月日時生今齋儀  
信諾

三洞法師其君門下請受

太上二景三奔錄當按奔景之神經經中節  
度曉夕修行不得傳及非人如怠慢不專輕  
泄漏慢受者之人身受冥責一如  
四極盟科真文律令  
凡修三景之道當先清齋百日或五十日絕

交人事乃為之人齋自齋畢年皆宜清潔非只入齋時也既已修行中間或有事礙久闕者亦宜更齋五十日方可存修若非久闕仍須更齋五日也  
奔日法

日中赤炁上皇真君諱將車梁字高騫與此位號尊祕經雖無存修之法而云知者不死當宜行事之始心存以知不得輒呼月法亦法此

五帝君名號

青帝君形如嬰兒衣青玉錦帔蒼華飛羽翮

冠翠芙蓉晨冠

赤帝君形如嬰兒衣絳玉錦帔丹華飛羽翮

冠丹芙蓉明冠

白帝君形如嬰兒衣素玉錦帔白羽飛華翮

冠皓靈芙蓉冠

黑帝君形如嬰兒衣玄玉錦帔黑羽飛華翮

冠玄山芙蓉冠

黃帝君形如嬰兒衣黃玉錦帔黃羽飛華翮

冠芙蓉靈冠

右五帝形服預宜知記修行之時各存見某帝冠服且如所云旦旦視日初出之時向日再拜當先冠服具爐香漱口含經文當舌上以字首向內正坐伺日出圓光見訖長跪上香心存上皇君諱字兩手撫心而拜畢乃臨

目閉氣十息正對日平坐宜屈大指為握固仰面向日為之十息又咽日光十過當存今日光使入口即而吞之存日中有赤氣紫芒有九道心呼曜靈九神華芒九芒來注於面乃小開口微吸而吞十過訖閉氣想腹中光

芒上連泥丸下通藏腑煥照形體洞徹內外

良久仍存此光芒直至事畢勿令散絕畢微呼曰呼聲繞令白耳聞之

日中青帝圓常无字龍韶當先備存五帝坐在日中依五方之位乃心的主青帝微呼之

仍青帝相應餘帝放此

赤帝丹靈峙字綠紅映

白帝皓鬱將字迴金霞

黑帝澄澗淳字玄綠炎

黃帝壽逸阜字颺暉像

又呼曰先存月魂作九圓之象黃色稍小於日在日氣之中不言形狀但覺其中若有神相應而已月魂精神曖蕭臺標畢陰咒曰心中云云不得出聲願得與五帝真君月魂精神共乘景雲上奔日官畢又閉目乃存青帝君從日光中來在

我之左赤帝君在右白帝君在背黑帝君在我之左手上黃帝君在我右手上各心呼諱字五帝都來存帝服色令髻鬢各存既畢都存五帝形色一時而見又叩齒五通咽液九過微祝曰繞令白耳聞也

赤爐丹景圓華九明大暉啓神煥曜朱精五

帝肇霞映洞萬生觀落上真空無調平運氣

練采流蕩五形使我神化六府敷盈參乘絳

雲陽遂九軒上奔日官與帝合靈畢

又存陽遂絳雲之車駕九赤龍從日光中來

到我之前仍與五帝共載而奔日也

凡行之一年仿像二年見形三年下降四年

便朗然洞徹面有玉光五年成真十一年得

乘雲車羽蓋駕命群龍上奔日官受書為上

清真人得給玉童二十六人玉女二十四人也

奔月法 齊書存思  
具如日法

月中黃氣上皇神毋諱曜道友字玉齋條

青帝夫人形如嬰兒衣青華瓊錦帔翠龍鳳

文飛羽裙頭作頰雲三角髻餘髮垂至腰諸

夫人竝同

赤帝夫人衣丹藥玉錦帔朱華鳳絡飛羽裙

白帝夫人衣白琳四出龍錦帔素羽鸞章飛

華帚

黑帝夫人衣玄玉九道雲錦帔黑羽龍文飛

華帚

黃帝夫人衣黃雲山文錦帔綠羽鳳文繡帟

右五夫人形服預宜知記修行存見具如日法

夕夕視月初出之時向月再拜宜所向之其

朔後二三日初出之時日纔沒見月即可為

之至月漸高即待日光沒盡月色光明乃可

行之其晦朔之間月形既盡固無可存修室

中不得見月當出庭中或屋簷下陰雨即居

室內先冠服具香爐漱口含經文當舌上令

字首向內向月上香長跪心存上皇神母字

兩手撫心而拜拜畢乃臨目閉氣九息對月

平坐仰手膝上右手執經文左手握固仰面

向月為之九息者又咽月光九過當存月光

使入口中即而吞之存月中有黃氣白光八

玄之芒心呼日月華夜精八芒來注於面乃

小開口微吸而吞之九過訖閉氣想腹中先

芒上達泥丸下通藏府朗照形體洞徹內外

存此光芒直至事畢勿令散絕畢微呼曰

白耳  
聞也

月中青帝夫人娥隱珠字芬艷嬰

先存五帝夫人坐在月中依五方之位存作

圓像乃心的主青帝夫人而呼之仍存夫人

相應餘夫人倣此也

赤帝夫人翳逸寥字婉延虛

白帝夫人靈素蘭字鬱連華

黑帝夫人結連翹字淳屬金

黃帝夫人清營襟字吳定容

又呼曰先存日鬼作辟邪方之景赤色如月

之大在月氣之中不言形狀但覺其中若有

神相應而已日鬼精神珠景赤童畢陰祝曰

勿令  
聲出

願得與五帝夫人日鬼精神共乘飛雲上奔

月官畢閉目乃存青帝夫人從月光中來在

我之左赤帝夫人在右白帝夫人在背黑帝

夫人在左手黃帝夫人在右手各手執文於

手上而立面向我心呼諱字五帝夫人都來

存夫人服色令髻髻又都存五慶五帝夫人

形容服色一時而見也乃叩齒九通咽液九

過微咒曰

黃精啓暉元陰內章映觀太玄開洞萬方散

蔚寒颺七晨玄琅迴陰三合天地吐光雲帔

鬱羅佩瓊帶璫雲幕練摩扶養木王紫曜挺

落浮華九空圓明賦采六氣化通五帝夫人

躡雲挹風羽扇拂霄逸虛扇東鸞樹敷晨蓋

修秀蓬洞根萬里蔭蓋五躬寬和神化六玄

雲充還老歸嬰玉嬰反童時乘沈零飛雲十

龍上奔月官位為保重畢

存日鬼乘月光來對我之面去面九寸許想

其中有神在焉又存流鈴飛雲之車駕十黃

龍來從月光中到我之前仍五夫人共載而

奔月也

行之一年髮鬚二年見形三年降下四年便洞徹身生流光五年成真十一年得乘玄轡景上奔月宮為上清真人得給玉童二十二人玉女二十四人也

奔辰法

木春王 火夏王 金秋王 水冬王

皆依歷以四立日前夜半為王之始各七十二日土分至日前各王十八日分至日之前夜半為王之始有星時可出庭中坐立適意有五星中相見者次當修服之時而出庭中坐勝於立可於庭壇向星敷席施棊燒香禮拜訖正坐而為之若無星之時天陰之夕可於寢室中存修之也星行不必在方面亦隨所在向而修行謂五星所在而向之不必依星本方之面猶如木或在西也

一夕服五星常令周遍隨王月以王星為先若靜齋道士亦可通於室中存五星之真文面而並修之

若不閑筭術不知星之所在又久靜長齋者可常於室中依五星本位之方面而存修之

也凡吞服星光芒時當存星真上皇上皇夫人乘光中來入口咽之臨目髮鬚如有其形也木飛登木星之道歲星圓鏡木精玄朗東陽之陵星中有九門門中出九鋒芒各垂光九百萬丈一門內有一青帝存星廣大而丸

圓可徑九十里周迴均有九門帝服青帝衣號曰青靈之公也

法常司見歲星燒香當正心視星呼曰

青帝之君又存星中碧臺中中皇君夫人以右手撫心而禮之又閉氣叩齒二十七通咽

液九過閉兩目心呼曰

歲星真君諱澄瀾字清凝夫人諱寶容字飛雲願得與始陽青皇真君君夫人共乘八景碧輿上太上宮畢乃閉目於手下稍舉令纔見星光芒咒曰

天光交和精流東方仰望九門飛霞散鋒始陽碧臺中有青黃青牙垂暉映照九方鬱祭夫人字曰飛雲齊服靈錦龍帔虎褙腰帝鳳符首巾華冠出無入虛遨遊太無前策青帝後從千神來見迎接得為飛真上登玉清高

上之房畢去手閉目對星服星之光芒存視九芒使盡入喉中先存真皇夫人咽之入肝訖乃服二十七氣吞都畢又叩齒三通已常行之十四年木星中青皇大君奏聞高上玉清宮刻太微靈簡之名玉書位為上

清上飛真人也

火飛登火星之道火星玄鏡丹精映觀南軒星中有三門門中出三鋒芒各垂光三百萬丈一門內有一赤帝存星廣大九圓徑可三十里周迴均有三門帝服赤衣中央有丹火朱陽赤皇上真道君夫人

法常司見熒惑星燒香正心視星存星廣九門鋒赤帝心呼曰

赤帝之君又存星中朱雲絳城皇君君夫人以左手撫心而禮之右手掩口三閉氣叩齒

二十七通咽液九過閉兩目心呼曰

熒惑星真君諱維濤字散融夫人諱華瓶字玄羅願得與丹天赤皇君君夫人共乘八景丹輿上登玉清宮畢向星咒曰  
玄象流映丹光南冥仰望三門朱雲絳城中

有丹皇名曰維淳夫人內照是為華瓶齋服雲霜鳳華龍鈴腰帶虎書首中飛青出入玄翔遊五城前導赤帝後從六丁來見招延得真之名上登玄虛金書玉清畢去手舉手撫心閉目息氣視星服星之光令星三芒盡來入喉中先存真皇夫人咽之入心訖乃服二十七氣吞都畢又叩齒三通已常行之十四年發感星中帝皇上真道君奏聞三元玄上宮刻玄圖瓊簡定名金書位為上清上飛真人也

金飛登金星之道太白星圖鏡金精煥耀西辰太白星中有七門門中出七鋒芒各垂光七百萬大一門內各有一白帝存星廣大而九圓徑可七十里周迴均有七門帝服白衣有太素少陰白皇道君君夫人

法常司見太白星燒香正心視門鋒白帝心呼曰

白帝之君又存星中玉房白皇君君夫人以手撫心而禮左手掩兩鼻孔七閉氣又叩齒二十七通咽唾九過閉兩目心呼曰

太白星君諱寥凌字振尋夫人諱颯英字靈恩額與太素少陰真君君夫人共乘八景素輦上登玉清畢向星咒曰

七氣盡飛光照西方仰望七門靈關激鋒素暉燭映德標金宗中有少陰踰曰白皇夫人靈恩治在玉房齊服浩錦流鈴虎章首中芙蓉腰佩金璫出空入虛遊步玉剛前導白帝後從六庚來下見迎北登墉宮名書上清得為真公畢去手臨目視星服星之光存金星七芒盡來入喉中先存真皇夫人咽入肺訖乃服二十七氣吞都畢又叩齒三通已常行之十四年太白星中少陰白真上皇君奏聞太帝玉皇宮刻上清金閣定名玉簡位為上清左真公以綜太極也

水飛登水星之道辰星圓鏡水精洞映北冥辰星中有五門門中出五鋒芒各垂光五百萬丈一門各有一黑帝存星廣大而九圓徑可五十里周迴均有五門帝服黑衣中央有太玄陰元皇道君君夫人

法常司見水星燒香正心視星存星廣九門

鋒黑帝心呼曰

黑帝之君又存星中蒼闕皇君君夫人以兩手撫心而禮之舉兩手而掩兩耳乃閉氣五息叩齒二十七通咽液九過閉兩目心呼曰

辰星道君諱啓咺字精原夫人諱玄華字龍娥額得與太玄陰元道君君夫人共乘八景蒼輿上登上清上元宮畢又向星咒

五炁玄飛光流北方仰望五門蒼闕鬱繁激芒達觀靈映景雲中有黑皇厥字精原龍娥紛謁俱履玄關齊服蒼帔紫錦飛翥腰佩虎符首巾蓮冠出凌九虛入嚮玉津前導黑帝後從六壬來下見迎上登紫房名書太上得為玉真畢去手臨目視星服星之光存星五芒盡來入喉中先存真皇夫人咽之入腎乃服二十七氣吞都畢又叩齒三通已

常行之十四年辰星中太玄上皇真君奏聞高上宮刻琳房玉扎定名玉清紫文位為上清真公也

土飛登土星之道填星圓鏡土精填陰黃道填星中有四門門中出四鋒芒各垂光四百

萬丈一門各有一黃帝存星廣大而九圓徑可三十里周迴均有四門帝服黃衣中央有黃真皇道君君夫人

法常司見鎮星燒香正心視星存星廣九門鋒黃帝心呼曰

黃帝之君又存星中臺房皇君君夫人以兩手撫心而拜舉左手以掩洞房上當眉間掩之乃閉氣四息又叩齒二十七通咽液九過臨閉兩目心呼曰

鎮星皇君諱藏睦字耽廷夫人諱公瑤字非

賢願得與中央土皇道君君夫人共乘八景

黃輿上登上清宮畢又向星祝曰

四氣徘徊合注中元仰望九極傍觀四門黃

臺紫房垂鋒散銚靈光鬱散天華落盆中有

黃皇厥字耽廷夫人潛德是為非賢理和命

氣道玄灌元齊服黃雲龍錦虎肩腰佩金符

首巾紫冠出凌玄空展光金門前導黃帝六

已衛軒來下見迎上望天關金書太上琅簡

刻名飛行太空得為玉卿畢去手臨目服星

之光存星四芒盡來入喉中先存真皇夫人

咽之入脾訖乃服二十七通都畢又叩齒三通已

常行之十四年填星中皇上真人奏聞太上

宮刻審臺碧簡定名九玄丹文位為上清真

公下及四極上真人也

朝皇

太上隱書五星上真五通之日天精開暢上

真吉會相慶之日也

正月六日日中 二月一日晡時

三月七日夜半 四月九日食時

五月十五夜半 六月三日中午

七月七日夜半 八月四日中午

九月二日平旦 十月十一日平旦

十月六日夜半 十二月十二日夜半

此十二月五星中上皇太真道君俱登上景

玉清見九玄太上道君又千真三十六天帝

下遊太清飛仙以上竝慶會太極上官又論

世上求真之勤懈紀書學真者之玉名當刻

之金闕定書藥簡又論求真者七世之功過

罪謫之深淺校罪多少使真有數品

夫五通日者消罪除過之吉會蓋五真上朝是謂五通通遠達聽毫末皆照也凡欲奉修登真隱道三奔之術一依前文嚴潔修行不得輒生輕慢傳示非人一旦違科受者之身永受考責奉持如法生死俱昇一如登真盟文律令

保舉

監度

度師

太上洞真天寶上清大洞三景寶錄卷上